



Broj:04-GV-02-1179/19

Datum: 13.11.2019. godine

ZAPISNIK
O RADU 34. SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 13.11.2019. GODINE

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Lana Velić, članica
4. Reuf Hafizović, član
5. Nedim Dizdarević, član
6. Jasmin Smječanin, član
7. Pavle Krstić, član

Sjednici prisustvovala iz Gradske službe za Gradsko vijeće:

- Zinaida Beširević, šef Odsjeka za stručne poslove

Ispred Gradske službe za urbano planiranje, investicije, stambene i komunalne poslove sjednici prisustvovali Tarik Zečić i Nerim Šišić.

Predsjedavajući je otvorio 34. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 33. sjednice Komisije za spomenike održane 09.10.2019. godine.

Komisija za spomenike konstatuje da su materijali za razmatranje tačke 4. Razmatranje Inicijative za podizanje spomen obilježja od značaja za Bosnu i Hercegovinu i tačke 5. Razmatranje Inicijative za postavljanje spomen ploče Umihani Čuvidini predloženog dnevnog reda nepotpuni, te će se razmatrati na sjednici Komisije, nakon što nadležna služba Gradske uprave izvrši provjere podataka i dostavi dodatne podatke, koji su usmeno traženi, a neophodni su za dalje razmatranje inicijativa.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Prijedlog Odluke o spomenicima od značaja za Grad Sarajevo
2. Prijedlog Programa podizanja spomenika od značaja za Grad Sarajevo za 2020. godinu
3. Javna rasprava o Nacrtu Programa rada Gradskog vijeća Grada Sarajeva za 2020. godinu
4. Razmatranje dopune Inicijative za podizanje Spomen obilježja HVO Sarajevo na području mjesne zajednice Čengić Vila 1.
5. Tekuća pitanja



TAČKA 1.

Prijedlog Odluke o spomenicima od značaja za Grad Sarajevo

Uvodne napomene dao je predsjedavajući Komisije, a dodatna obrazloženja je dao predstavnik Predlagača.

Poslije uvodnih napomena i rasprave, na prijedlog Predsjedavajućeg, jednoglasno je usvojen sljedeći **zaključak**:

Komisija za spomenike sugeriše Gradskom vijeću da razmatra Odluku o spomenicima od značaja za Grad Sarajevo kako je predložena uz uvažavanje sljedećih **zaključaka**:

- Potrebno je da se u članu 22. stav 1. iza riječi „saglasnost“ briše riječ „ili“ a ostali dio teksta ostaje nepromijenjen.
- Potrebno je da se u članu 22. stav 3. izmijeni tako da glasi:
„Kada se radi o inicijativama, motivima i potrebama za spomeničkim sadržajima od izuzetnog značaja i oko čijeg podizanja postoji velika mjera koncenzusa javnosti, Gradonačelnik može predložiti Gradskom vijeću da donese Odluku o izmjenama i dopunama Odluke o podizanju konkretnog spomenika u dijelu gdje se definiše Podnosilac, a u smislu da Gradonačelnik, odnosno Gradska uprava, preko svojih službi preuzme obaveze i zadatke podnosioca inicijative, a što se odnosi na slučajeve više sile koji uzrokuju spriječenost podnosioca u ispunjavanju zadataka koji su definisani Nacrtom Odluke“.

Predstavnik Predlagača je prihvatio da se Odluka izmijeni u skladu sa prijedlogom Komisije i dostavi u što kraćem roku.

TAČKA 2.

Prijedlog Programa podizanja spomenika od značaja za Grad Sarajevo za 2020. godinu

Uvodne napomene dao je predsjedavajući Komisije, a uvodno izlaganje je podnio predstavnik Predlagača.

Poslije uvodnih napomena i rasprave, na prijedlog Predsjedavajućeg, jednoglasno su usvojeni sljedeći **zaključci**:

1. Komisija za spomenike sugeriše Gradskom vijeću da razmatra Program podizanja spomenika od značaja za Grad Sarajevo za 2020. godinu kako je predložen.
2. Komisija za spomenike sugeriše Gradonačelniku da u Budžetu Grada Sarajeva za 2020. godinu za izgradnju spomenika pored planiranih 20.000,00KM planira dodatna sredstva u iznosu od 50.000,00KM.

TAČKA 3.

Javna rasprava o Nacrtu Programa rada Gradskog vijeća Grada Sarajeva za 2020. godinu

Poslije uvodnih napomena i rasprave, na prijedlog Predsjedavajućeg, jednoglasno su usvojeni sljedeći **zaključci**:

1. Komisija za spomenike je razmotrila Nacrt Programa rada Gradskog vijeća Grada Sarajeva za 2020. godinu, te predlaže da se, na prijedlog nadležne gradske službe, u Nacrtu Programa rada Gradskog vijeća za 2020. godinu u oblasti XVII - Druga pitanja od interesa za građane grada Sarajeva, u tačkama 2. i 5. „**Odluka o podizanju spomenika Dariju Džamonji, Kemalu Montenu i Esadu Arnautaliću**“ izmijene rokovi tako da glase: **nacrt-maj, prijedlog – juli**.
2. Komisija za spomenike nema drugih prijedloga, primjedbi niti sugestija na Nacrt Programa rada Gradskog vijeća Grada Sarajeva za 2020. godinu.

TAČKA 4.

Razmatranje dopune Inicijative za podizanje Spomen obilježja HVO Sarajevo na području mjesne zajednice Čengić Vila 1.

Poslije uvodnih napomena i rasprave, na prijedlog Predsjedavajućeg, jednoglasno su usvojeni sljedeći **zaključci**:

1. Komisija za spomenike utvrđuje Nacrt Odluke o podizanju Spomen-obilježja „HVO Sarajevo“ i upućuje ga Gradskom vijeću na razmatranje, te predlaže Gradskom vijeću zaključak kojim bi se utvrđeni Nacrt Odluke uputio u javnu raspravu kako je predložen, u trajanju od 30 dana.
2. Imajući u vidu da je smisao podizanja Spomen-obilježja „HVO Sarajevo“ odavanje počasti poginulim, Komisija za spomenike ostaje pri stavu donesenom prilikom razmatranja Inicijative za podizanje ovog Spomen-obilježja na svojoj sjednici od 20.09.2017. godine, a koji se odnosi na Idejno rješenje Spomen-obilježja, odnosno na tekst koji se nalazi na spomen ploči a na sljedeći način:
 - da tekst započinje sa činjenicama o braniteljima (broju poginulih, odnosno početkom trećeg pasusa, a da prvi pasus predloženog teksta postaje drugi, a drugi pasus predloženog teksta postaje treći).

TAČKA 5.

Tekuća pitanja

Pod ovom tačkom dnevnog reda nije bilo zaključaka.

ZAPISNIČAR

Zinaida Beširević

PREDSJEDAVALAČI KOMISIJE

Enes Husejnović, s.r.